

今白華堂詩錄

今白華堂詩錄卷五

近體詩

午日遊祖關山

一鶴靜司關閉雲任往還我來弄泉石回首隔塵寰蒲節
此無客榴花空滿山歸途拾瑤草夕磬度清灣

月夜訪友

涼宵扶醉影敲斜白板雙扉手自過料得詩人無箇事閉
門月底數秋花

號舍題壁

中唐急雨畫旗翻明遠樓頭鼓吹喧矮屋垂簾泥沒踝可

憐并鮒傍龍門

旱歎

狐兔猶傷類知

去聲

蟲胡弗如枉推鱗族長河底盡枯魚

甬上雜詩

越角青山斷海隅
句章自古列仙區
芝田雲秀黃公社
竹嶼煙深賀監湖
十地香林藏寺遠
三江流水繞城孤
桃花風起魚苗賤
幅幅漁蓑入畫圖

峽口風煙接永嘉
浮航東去淼無涯
飄搖海國憐巢燕

指南

宋建炎四年事

竊據巖疆笑井蛙

謂元季方國珍

綬寇防倭書幾輯
剡江

聯砦鼓頻過妖獫難奪英
靈氣怒挾寒濤捲白沙

南邦文獻重明州慶厯淳熙正派留學案名儒歸月旦詩
壇耆舊續風流通經獨跨衣冠族矯節爭盟水石儔若論
廟堂資制作清容大筆合千秋

膏腴塋壤海流通不獨魚鹽擅浙東農課四時牛屋雨夷
琛一夕鰲帆風芋藷秋熟山村喜蚶蛤春肥野市充誰向
鮫埼誌風物深甯七觀許同工

蕉窗

斗室綠天底窗開影轉深此中青玉案祇合撫瑤琴夜雨
幽人耳秋雲古硯心瓶花紅數點搖漾在清潄

題陸祁生上舍

繼輅

埽花圖

如何仙子不長生了我情緣送爾行塵世可憐茵溷劫昨
宵無那雨風聲曾驚絕豔低頭慣防損餘香下手輕認取
空煙歸去路蜨魂依草尚分明

秋桑四首湖州試院作和芸臺師

吳興清遠本宜秋芟徧桑枝影尚稠五畝小牆黃葉路一
林寒雨白蘋洲乍完野繭薪樗稅漸急霜禽牖戶謀儂對
流黃機上月絲絲不斷憶春愁

垂虹秋色遞江鄉萬樹荒煙百里塘蠶月幾番梯影錯鷗
波無限榜聲涼鳴箏落日憐寒女把酒西風話索郎怪底
浮屠戒三宿再來已覺戀空桑

童童圓影失當頭閒煞鄰家削桂鉤
柘館人稀吟絡緯蓬門秋老感鳴鳩
蒼涼夕景村前社蕭瑟天風陌上樓
枉為空枝增悵結吳綾衣被徧南州

記詠秋胡日載陽

今春師按試晉郡以擬古秋胡詩命題

綠雲低卷鄧西鄉

新看下簷霜華白卻認東坡樹色黃
千戶侯門同冷煖一

時仙侶亦滄桑

時幕中諸君多有更替

朝來還聽鸛聲健殘葉驚飛

上棘牆

鴛鴦湖次蔣蔣山太學

徵蔚韻

金塘環抱影分明覆水春煙似夢輕
岸上翠樓波上櫂那堪聽喚此湖名

桐江釣臺

論功建武盡雄才誰憶將軍大樹來
百尺危崖千尺水東
京氣節此中開

燈下理吟稿

聽鐘乍喜耳根清茗盃西窗月二更照我殘詩滿巾衍
青
燈殊有故人情

晚抵武林學院署

自踏梅花影黃昏一院苔憐他東海月容易渡江來

題柳如是小像

鳳管鸞笙白下秋臣家許築絳雲樓如何不展春風面兩

道眉痕萬斛愁

祇合珠喉學鸚鵡耦耕拂水了平生無端國事煩饒舌悔
損公名重妾名

李香董宛總名姝選壻爭收時世譽誰道貞姿能獨秀聲
華未藉老尚書

舉優貢第一感賦

落葉風扶上太清品題鄭重勝科名

兩院考語有品
端才敏四字如何

酬得湘東管四字捫心到畢生

衍聖公府卸裝同錢梅谿上舍

泳陳雲伯明經
文述

門外集輪蹄黃塵落日低上公朝宿處花竹鳳城西長路

各無恙行囊爭自攜聯牀猶恍惚茅店昨宵雞

月下

仰首看明月不知月在身青衫涼影透忽憶鏡中人

憶山塘舊遊

記得寒山碧玉圍橫塘七里泛秋歸兩行官柳迎烏榜滿
座朝衫款白衣笛裏邀雲花起舞酒邊喝月水驚飛祇今
未散羣鷗驚閒聽疎鐘下釣磯

憶平山堂朱素人

本為作雅集圖因題

江山平遠稱吟才夢覺楊州首重回邗水夕陽搖客舫蜀
岡秋色赴經臺孤鴻欲斷情無極萬葉爭飛句忽來入畫

何時追勝侶玉簫明月共徘徊

京師冬日入詠和法梧門祭酒

式善

鑿冰

冰天朔氣沍巖隈忍凍攜椎趁曉晴寒玉琢成壺裏影玻
瓈敲徹日邊聲好憑羔獻三棱古直破狐疑一鑑明買得
何須待銅盞頭銜心迹要同清

採煤

墨雲削戍墜沙坡鈴語寒風走駱駝仙竈煮應同白石冶
鑪鍛欲勝紅羅

炭名見日下舊聞

可知地脈西山厚長使人煙北

道多入爨不辭銷鑠盡感君搜剔到巖阿

燒炕

青氈塵榻也禁寒，繞地鑪煙走百盤。
窗影射紅燈乍滅，帳韝封煖漏將殘。
春歸襪被眠宜早，人近溫。和夢亦安領取。
芋頭風味好，底須侍史熱沈檀。

糊窗

位置明窗斗室寬，憑教細意貼冰紈。
風塵纔覺籠紗好，燈火偏宜映雪寒。
留得疎簾供燕入，拈來故紙笑蠅鑽。
傍櫺淡寫三竿竹，好作鄉園月影看。

調粥

經年顏釜未埋塵，一飽何煩具七珍。
寒食桃花香有信，臘

齋菜葉煖生春擎甌須藉和羹手持帖方多乞米人幾輩
雲堂享清供好將歲事祝能仁

醃菜

滋味嘗來久自知晶鹽玉豉總相宜菜畦初脫英雄迹齋
臼應題幼婦詞歲暮不辭盈把贈家常難遣御冬思可能
療盡飢人色慚愧希文劃粥時

薰花

占斷花幡廿四風馬塍分得翠雲叢劇資火候憐空色爭
漏春光笑熱中香國未須傳羯鼓美人原可立薰籠綠章
枉費回天力還讓冬烘首策功

夢樹 移樹也樹經冬如睡移種易活

擬將小字喚冬生聽取長鑱破土聲尋徧空枝寒蟬杳覺
來明月夜烏驚鶯花節近君休倦風雪天高我獨醒移向
西堂芳草地應和詩夢逗春情

秋日懷人詩八首

陳晴墅明經舅

基

問訊春風絳帳遙菱塘舊夢遞虹橋門庭劫火書還在縞
紵名流酒未消老想一官營昔藉貧餘半畝種芭蕉年來
弟子才華損童律文章也寂寥

張斥蘊明經表丈

鯤

八口艱難鬢雪侵名場幾輩更追尋
拋殘文字中年淚銷損英雄出世心
白社盟推成佛早青囊功與注經深
小樓一角湖光淡好拓西窗縱晚吟

陳問夫上舍丈學信

相士曾誇隻眼明論文那顧俗人驚
受知我最思童丱處困君猶似宿醒
一水當門舟不繫八夫恆產硯分耕
卻看近日槐花候意外都成孺子名

余漢倬茂才一清

敦槃牛耳競相過風雨吟聲出薜蘿
作達未妨身被褐解嘲難恃口懸河
案堆亂籍生涯足庭臥長罍酒債多
君本

黃公舊鄰里閒來好譜采芝歌

所居為漢四皓中黃公舊里

林緘齋上舍

大謬

盧前王後任差排射策難忘兩度偕

歲科兩試皆余第一君第二

官燭

搖風如夢短

科試古學以官燭為賦題

山亭落葉共愁埋

秋闈被放日同寓艮山徐

氏身家事急謀偏左詩酒緣深命亦佳聞道城西好村釀

春衣典盡拔金釵

陳星野茂才

銘海

早時行樂避家常天與閒身翰墨場閱世靜參知命法奉

親細錄養生方人歸野館啼山鷓秋在空庭落海棠此種

風情堪領略啞余苦要折天香

楊唯一茂才 學曾

十載研磨鐵已穿青衫席帽故依然飢來驅我甘為役壯
不如人畏問年懷古秋江悲屈賈登高落日望幽燕治生
可是吾曹事日飲亡何且放顛

同學諸子

笑我儒冠百不能當時誤爾競擔簦細讀書味醇於酒堅
謝塵緣定似僧四壁蟲聲留夜月一湖水氣澹秋燈積薪
世事生奚晚位置應看最上層

張雙湖二尹表兄 烜分發滇南別後卻寄

裙屐何嫌混俗埃廿年端不負丞哉立身學佛無常住作

吏如詩有別才清潁西湖杯底見蒼山南詔馬頭來傲他

桃李河陽種

上一聲

縣蠻花四季開

時間其署令

元夜雲閒會館與張子白論詩達旦因題其集

燈宵扶病走天街旅館逢君暢酒懷詩卷展來如被厚不
須更借小眠齋

清辭麗句滿人寰多為仙才謫世間主客圖成誰抗席藏
園去後有船山

喀爾喀貢白海青同趙謙士太僕

秉沖作

天產呈東海

皇靈被北埏狼荒冬獻贄

鳳闕遠通虔名屬調鷹使形

參振鷺篇灤河盤雪月遶塞閑山川影淡懸空磧聲高接
素煙羽中曾號虎巢下肯同鳶金距雙絛豔瑤光一顆圓
氣凌青漢路瑞應 紫微天自昔珍羣富諸藩物貢先元
都華屋建上陌錦韉拴何意鐵驪種翻偕菌鶴傳黃眸青
翅外花袖彩籠邊 溫室栖鸞日炎方狔雉年稜稜毛角
異肅肅羽儀鮮伏莽餘狐兔毆叢混爵鵠雄才資搏擊藻
質振聯翩白鳥儕 文囿蒼鵠落楚川時間湖北大捷飛應占集
泮供及肄蒐田燕候來何畏海東青畏燕子鴻臚序不愆春朝
閭闔啟王亭徧瀛壖

中秋號舍望月

銀蟾飛影下瓊臺
百道風簾倚水開
今夕嫦娥眠不得
桂花香裏有人來

謁紀宗伯曉嵐先生和韻

六卿地望總鈞衡
最是河閒位業清
天下文章在歐氏
快從門下署門生

公為劉雲房師之座主

年時鄰壁倚匡衡
側耳吟聲五夜清
山斗瞻來成錯愕
大宗伯是老書生

余授徒趙氏齋壁貼公宅每聞書聲徹夜不圓即公也

剡谿道中

雪晴催放戴谿船
谿水無聲靜玉絃
龍角石穿雲氣冷
鹿胎山孕土花圓
推篷似隔人間世
攸宅應逢晉代賢
此去

金庭還幾許來朝乘興便遊仙

菜花

嫩甲抽紅雪後誇漸教春色逗桑麻芳期有信先挑菜野
趣無邊儘傍花老圃乍看原冷淡東風能到即繁華文章
采錯兼金鏤圖畫山巔又水涯濃襯麥畦環四面豔爭柳
路入三叉都憑翠隴迷黃鶯不向雲鬟鬪綠鴉煙畛分明
香界劃草茵重疊繡紋加感時門惜英雄閑行樂情應咲
畝餘夕照雨隄翻燕翦午暄十里鬧蜂衙吟餘綺麗園供
把境想莊嚴地布沙依約秋容參牡鞠評量秀色近王瓜
勝他得意長安道牛背微風一徑斜

慈谿趙明府振鼎招同資西寺探梅

何處幽香引短筇數痕凍墨畫西峰
官閒乍抵新晴好梅早猶憐破睡慵
前夜雪生諸岔水上方雲裏一聲鐘
山僧正設伊蒲饌笑把詩人當佛供

寺門殘照數歸鴉出谷籃輿步步斜
三笑影分高士傳再來緣認梵王家
亂山遮徑如留客瘦竹當風解護花
更向前村問農事水田無數學袈裟

題訪梅圖為阮生亭即用其自題韻

不向山巔便水涯連宵詩夢繞梅花
春如遠客來無信香在寒雲認又差
孤鶴出籬迎權久瘦筇和月入林斜
歸來

東閣親邀笛吹落遙岑幾片霞

種松 吳山道士貽松秧四本植之寓齋後圃

擬插松秧計未成每依盤石看雲生清風忽送山人到鶴
子迎門語一聲

木仙垂髻似人長纔結新交便老蒼動我故園他日意四
松詩句浣花堂

料理鴉鋤破碧苔侵晨三徑為君開支離自是天然勢多
謝園丁費翦栽

青青漫計歲寒時一寸冬心我已知春色果留天下樹也

憑衆綠傲松枝

孟東野詩二月天下樹綠千青松枝

蘭亭懷王內史

觴詠無由到洛濱新亭雪涕更何人清談一輩虛生死殷時

浩北伐右軍知其無成襍序中恨筆千秋有鬼神用羲之

死生云云蓋為此輩寄慨也

鬼語

鬼語

流水去如前代客茂林藏得晉時春鵑花當日應曾見裙屐歸來誓墓身

六陵懷古

永茂攢宮廢荒基問秦甯六陵留故迹九廟託英靈年月追羊犬山河訖丙丁煙消炎宋業憐感白衣星金盃初逢市銅駝不守垌臺餘朱鳥慟地散黑龍形望祭魂難返淘沙血尚腥兩朝終北漠一塔更西冷孽界番僧肆塵函義

士局神傷先帝后劫賸小朝廷蹤迹尋蕭寺倉皇座淺汀
妖躔迴太白遺魄戀冬青杜宇悲春去蒲牢喚夢醒連岡
依禹穴流水咽蘭亭蓋海今抔土匡山此典型滄桑五百
載別辭到碑銘

贈陳簫樓文學

權

紅蓮綠水認前因萬壑千巖繞此身

時在山陰縣幕

話到蟾宮秋

易老尋來蟻國夢難真青天倚劍思知己明月吹簫怨美人
何限江關詞客淚才華多半誤風塵

簫樓見示詠菜花四首即和其韻

場圃暄晴弄野芳開軒酒色映鵝黃春如宜客歸田晚花

比村姑學繡忙錦纜一陂新漲煖柴門十里午風香憐他
燕影蜂聲外半上泥巢半蜜房

催過花朝社鼓忙午煙烘出淺深黃香酣蜨夢銷金地風
亂鶯衣鬪草場蓬鬢曉簪慵對鏡山廚小摘惜盈筐芒屨
日逐園官興總在孤村斷岸旁

小園庾信劇清狂散漫春情到野塘斜照亂明寒食路東
風平展鬱金裝一籬香飽牛初飯十畝人閒蜨自忙試問
長安看花客何須踏徧麴塵黃

抱甕生涯半畝塘鶯花國外占風光不知城郭飄紅雨自
向田園倚夕陽繞陌人歸須緩緩閉門春去惜堂堂天然

金粉閒摹取蛺蝶圖成萬點黃

詠第一樓 樓在西湖孤山芸臺師建以居兩浙翹
材生者

東南壇坫一樓孤開府風流絕世無山冷竹松疑雨到柳
高裙屐倩雲扶波光四壁江湖海香瓣千秋李白蘇翻為
政閒忙指畫翹材十郡總生徒

立秋日送人還吳興

蘋花消息夢中傳茗水西風在客先秋色三分帆外認一
分疎雨二分煙

初陽臺

言尋瑪瑙寺遂上初陽臺平章宅已盡蟋蟀為誰哀

自葛嶺晚歸

一笠下煙皋松聲捲夜濤亂雲山徑活涼月水簾高喚渡人偏暇尋仙事亦勞蒼茫見城郭回首失盧敖

寄懷周圭峰同年

桐

寒雁下江渚長空生暮霞美人隔秋水倚櫂采蘋花余亦煙波客孤帆夢若耶涼宵吹鐵笛乘月到君家

中秋登吳山大觀臺

眼底滄瀛渺一杯西風病骨強登臺招憑叢桂身難隱候準飛濤客又來

余前數年嘗以省試後登此觀潮

驚頂遠鐘蕭寺冷鴉邊

殘照越山開探奇不覺穿巖穴攜得蒼煙滿袖回

紫陽書院晤監院楊書巢丁菊山兩學博疊前韻

遊興如銜婪尾杯紫陽山色滿經臺仙居高與文星接

院中

後樓供魁星像
兩學博寓其下

宦况清宜舊雨來簾靜綠雲當硯落階深

紅葉伴花開若教待月池頭坐不到參橫不肯回

晚歸寓齋坐月再疊前韻

似水流光付酒杯夕陽送客下層臺天將人事分圓缺月
占秋空獨往來池館霜聲蟲引到江樓雲影笛吹開三年
幕府青袍倦玉宇高寒首重回

遊仙詩和陳曼生明經

鴻壽

今自華言金卷五
綠章飛奏蔚藍天要乞青谿洗月鉛一路仙風搖塵尾水
流花底作神絃

藥圃闌干五色霞迎陵喚駐六萌車清都太覺蕭閒甚學
種人間富貴花

揮袂丹崖別赤松銖衣香染雨花濃蓬巒回首雲如海但
聽芝田叱玉龍

歸來寶訣問長庚攜得金光草一莖纔放挑雲筇竹杖玉
童偷按紫鸞笙

到家六疊前韻

左手霜螯右手杯笑看蜃市幻樓臺

客言江廈近日人情甚幻

江城夜

火靈旗集

時方

海浦秋雲戰艦來

李西巖提軍為勦河寇募集同安巨艦

螺

蟀但依空壁響芙蓉聊為主人開懷中任滅禍衡刺自向

煙霞訪客回

夜讀韓朗山明經

崑

及吟社諸君和余登吳山之作

賦示朗山十四疊前韻

把卷高吟夜引杯恍疑秉燭大觀臺
名山九錫邀詩寵片石三生入夢來
江影正浮孤月上天香如約衆花開
浪遊前度還應晒清景拋殘火急回

題樊榭詩屋圖卷十五疊前韻

茅堂還酹白雲杯人物詞科渺夜臺
孤磬花邊催夢斷一

今白華堂詩錄卷五

十五

鷗門外聽詩來傷心樂府秋墳唱生面湖山老筆開曾憶

團瓢證香火當時雙韭

全謝山太史

浙西回

昨過王笠舫明經

衍梅

西湖寓舍不值詩以訊之

湖雲青落酒人牀盪作秋懷似水涼才捷由來誇倚馬名
輕何必悔亡羊評花有夢思傾國買劍逢人說戰場抱鶴
尋僧何處去西風一葉渺煙航

送陳四香

德梓

之西安

小製方山一簪冠豪華情性忽清寒園亭改色花初落觴
詠無心客亦殘命舛仕途空驥足計成旅食有豬肝爛柯
山下停裝處百劫枯棋局外看

錢送徐楚香武部

受荃

入都十九疊前韻

欲向兵廚借酒杯
醉鄉消息近燕臺
情深息壤丹雞影
瘦征衫碧鶻來
落日驚聞長笛起
歸雲嬾逐畫帆開
不知我輩勞生者
走馬春明定幾回

二月八日白華堂夜坐是日乃先君諱辰距辛酉
已三週矣追憶星奔何堪回首皋魚之痛以血淚寫
之

城上烏啼夜未央
難尋椿影向高堂
還鄉情比離鄉苦
生別愁連死別長
饋奠麻衣空似雪
倚廬蓬鬢合成霜
遠遊竟抱終天恨
底事當初辦急裝

今白華堂詩錄卷五

天

無人負米被飢驅門祚中衰破產餘家世一經心鄭重晨
昏百感鬢蕭疎縱因膏火愁添債不聽親交勸廢書翹首
晏楹遺澤在贏金辛苦較何如

幾度名場歲月過苦爭一第奈蹉跎堂前暮景餘歡少榜
後慈顏強笑多養志豈宜翻作客娛親原不在登科
傷心夜月衡門下唱罷驪歌唱挽歌

別時曾歎抱孫難門戶凋零入口殘家累向誰辭老病書
來祇自說平安登龍聲價防虛附失馬功名付達觀豈料
今生從此了泉臺子舍兩漫漫

比歲春情百不宜當筵容易感哀絲誰知北里看花候正

是西山落日時

辛酉是日謙士主人約看花余心動先歸

難遣夢魂隨

父去

直憑家祭告兒歸
光陰回首原如海
浪擲長安卻恨誰

西湖柳枝詞和陳曼生

暗催春色上簾鉤
取次東風漾綠油
最是夕陽蘇小墓
幾絲纔翦已生秋

送鄒太史

鐵劵

還粵

鏡裏朱顏九十春
烏紗初上白頭新
詞垣莫笑重來晚
難別齊眉舉按人

紅花埠客寓和壁間韻

江南落日送征軺
山影東來走碧潮
風裏垂楊和鬢亂
燈

前旅燕訴家遙舉杯明月還惆悵題壁詩人半寂寥回首
鍾吾城畔路涼煙細雨晚瀟瀟

將抵李家莊風雨猝至俄頃而霽

魚梁遙接樹陰圓幕地狂飈落樹巔渡口人喧疑墮水馬
頭塵暗欲迷天雲拋急點倉皇過柳擁斜陽自在眠幻景
須臾悟身世寺鐘何處意茫然

過沂州

開濟推諸葛遺榮重二疏臨沂城外望出處意何如

堞莊阻雨三日

茅檐鎮日雨絲絲愁裏光陰一卷詩

日與筠亭評選宋詩逆旅當家

長抱膝遙山如客未開眉隔林鳩影和煙墜綠壁蝸痕帶
蘚移微倖晚庭來霽色行期盼得似歸期

覆車和韻

鳥道爭驅十八盤雷聲直走下驚湍始知捷徑都成險何
事虛車不少安覆轍縱橫隨地有扶輪辛苦出山難前程
漫說多津要且學泥中尺蠖蟠

誰防瞎馬夜臨淵酣夢車箱枕手眠倏墮輪迴纔悟劫自
隨蓬轉豈關天諸公臂可成三折當軸胸須有萬全便使
馳驅真就範丁甯還要慎先鞭

此生何苦涉危途冠蓋塵中有八軋事到破轅甯失馬體

經投地已非夫水深泥濁沾來易雨覆雲翻禁得無畢竟
自家忘擇地坦平如砥是天衢

少游下澤計從今行路難於閱歷深身世鴻泥驚爪印風
波人海悟蹄涔頓消意氣揚鞭路難替憂危戴笠心見說
踏來平地穩有人空谷待楚音

是日與筠亭徒步十數里就山家憩息焉

由開山至晏城驢背口占

曉月醒殘夢驢鞍睡味添作波溝水小著色野花廉雲物
供詩版林陰閣帽檐征人與村父入畫一身兼

征衫延野色策蹇傍城闌古戍壞疑墮旱苗長過人客分
瓜作讌蟬抱樹成鄰忽憶鳳山下松棚岸葛巾

題梅梁落卷即送其南還

墨緣暗似夢痕離殘燭西窗淚尚垂衣鉢深情餘鐵硯門
牆衰遲累瓊枝三都紙貴人難售千佛經成我已疲回首
茫茫滄海遠神山可有轉風時

聞筠亭有京東之行計北來諸伴星散盡矣

搏沙易散更風吹身世飄蕭到鬢絲東去伯勞辭故侶南

飛烏鵲戀空枝

吳趙兩生仍客嘉湖道署

事如夢短憑詩記

來時有舟車唱和集

愁比更長有月知誰道西谿舊泉水悽清翻在出山時

題陸建庵上舍

慶勳

華峰覓句圖

馬首奇青豁醉眸看山須有筆能酬謫仙去後天誰問玉

今白華堂詩錄卷五

五

女閒來鬢易秋
寒翠有聲孤隼下
清商無主白雲愁
一屏好為詩人展
待挂圓瓢最上頭

往來仙掌一身輕
日日天風拄杖聲
白帝親開詩世界
黃

河流盡古才名前
身明月回頭是
昨夜蓮花洗筆成
欲化

秋煙同入畫
通天臺下弔初明

圖為湖州故文
學沈某所作

張子白明府自鎮番報最入都見貽梅屋詩鈔

天教才子鎮邊關
一卷陽春共往還
羌笛試聽三弄後
玉梅開徧子卿山

今白華堂詩錄卷六

近體詩

昨宵

昨宵沈醉百花閒
一榻流雲倚玉山
樽畔月來人不覺
細將花影繡春衫

五月初十夜由義冢至觀星臺作

車過黃壚酒易醒
六街燈滅一燈青
徒驚潑面風如水
卻悟浮蹤鬼亦萍
夜靜與誰同此世
天高知我應何星
觀虛動寂皆形相
羣犬聲中聚萬靈

雜感

瞥墮罡風夢不仙三生賸感佛因緣

謂大興師

恩深原恐才難

報事過憑嗟命有權枉把一篇疑子固

聞中恩雨臺師得胡君書農卷疑為

余作大興師日果爾乃名會元也遂定榜首

幾聞特詔賜齊賢捫心知己夫何

恨鄭重聲名到

九天

會試後上孰為最公舉徐君直卿及余

上問大興師以新貢

披衣月曉寺鐘殘扶影空階一鶴寒入夢家山雲縹渺禁

秋人意雨闌珊才非有補名何用宦且無聊隱更難悔學

神仙王子晉吹簫未解鍊還丹

緇素模糊酒一襟半生出處費沈吟夢回天上尋何著身

到人閒誤已深避礙聊參平等法逢時難負讀書心朝來

豪筆趨郎署卻為馮唐感不任

散署歸寓

一道輪塵散午衙
隱囊小倚淪新茶
平津車庫無人到
滿院斜陽冷豆花

病起

一瘦驚人更自驚
憔悴顏塵鏡劇分明
算儂賣賦為郎日
惹得秋風妒長卿

應 內廷試以第一名入直軍機處紀 恩一首

一歲

恩三錫

正月蒙賜進士五月

頒賞大綬四月欽點部屬

還邀特達

知 詔隆樞地選

自雍正八年

特簡或薦引無定制也

本年十月始

命內閣六部保送數十員由軍機大臣擬詔冊章奏等題試之本處堂上公同閱卷排列名次進呈 欽定後帶

領引

見奉

旨

記名者挨次補用才試木天遺授簡依鱗次抽毫忝尾隨

試分三日以堂上地祇容二十餘席也十月二十六日試

內閣人員次日試吏戶禮三部人員又次日試兵刑工三

部人

冰衡懸紫閣

玉勅奉丹墀

二十九日引

見蒙

員

補用譽愧半千號升逢二八時

同引

見二十四人

裏行唐

代職著作漢廷司并許頭銜續

章京例兼方略館職余從

從

教學故垂

奉旨嗣後軍機處掄選章京即照此次辦法著為令

置身益清切何以

答宸慈

除夜入直

金鑰啟重扃朝元人特早是漏是鳴珂珊珊到清曉

寄懷王述菴少司寇前輩

昶

陳古華太守在揚州

麟閣圖成蚤乞身
虎符挽罷共垂綸
換將壇席青山秀
閣盡煙花白髮新
一品集隨千日酒
二分月似六朝人
金閨回首臨歧處
秋柳蕭疎暗暮津

二公曾錢
余於吳門

由桃花寺直次至盤山

馳道和風靜羽旗
麴塵如鏡漾鞭絲
馬蹄香到桃花寺
下界遊蜂總不知

春在華鬢有佛知
文窗窈窕惜來遲
宮門散直香林晚
猶為桃花立片時

路入三盤馬不停
峯峯暮色暗蒼屏
岡頭忽轉雲屯處
萬帳明燈燦列星

卽事感賦

時洋盜蔡牽肆逆攻陷臺灣上特命侯將軍德榜泰等往勦

矛鋌橫絕水仙舟天外魚龍顧影愁誰負廟堂甘縱賊我懷鄉國賦同仇風腥窮壑悲人鮓雲捲前旌盼虎頭得預戎行看奏捷壯懷何必定封侯

八月十六夜中關行帳與裴山山甫梅堂諸君坐月征袍拂水影蕭然笳吹聲中斗帳懸孤月出關如客冷四山入夢抱秋圓昨宵玉宇聽鈞樂往事霓裳話列仙喚取一樽還刻燭中華以外關詩天

木蘭偶興

霜酣紫草鬱金香帳殿風雲接大荒一握青天覆華蓋四

團丹嶽學宮牆飛龍仗令期門隊灑馬筵開校獵場橐筆
氈廬還自笑書生何事也戎裝

馬上贈同行蘇侍讀

明何

昌員外

宜泰

塞山太古色烈士暮秋情日落歸鞭急寒風兩鬢生

自密雲至昌平道中作

彈汗古堞接岸奚亂磧穿沙路漸低轉向岡頭騁遐覽白
狼河影與雲齊

張淥卿記室

詞

郭頻伽上舍

摩

並寄贈詞卷因懷之

家山在眼阻歸期海內漂零杜牧之失路難辭生計拙鍾
情長為古人悲風乾塞北荒鷹老花瘦江南倦癡癡燕筑

吳簫攜處處酒酣一闋碧雲詞

課女

六經要功臣傳者憑屈指邵武無士人河內有女子

花朝散直口號

宮漏沈沈玉佩遙輕陰小雨作花朝 御溝闌外東風起

幾點桃花上板橋

同直諸君連日約遊陶然亭

野亭古意入荒叢禊事招邀興不窮
菰葉劃開埃馬路楊花飛亂紙鳶風
十旬休暇大三昧百五春光時一中
祇是酒邊增客思記來煙景水鄉同

晨赴園直出西便門口占

市聲接輪轂殘夢醒朝涼星月初低塹瓜蔬各占場應官
餘野興攬物換春芳坐覺新荷發疎風縷縷香

見市上花擔買得一枝口占疊前韻

惜此娟娟影來禁曉月涼幾枝能得地一笑且登場買插
朝簪好思尋野徑芳早風慎披拂莫為損幽香

七峯別墅同人分詠端陽故實占得唐事二首

寶鏡祛邪比日融貢來波上鱗舟中曲江已廢千秋鑑揚
子猶珍百鍊銅

霓裳仙樂午風飄勝節華清勝賞饒中外凶人

指國忠祿山俱

入宴菹龜何不事羹臬

齊北瀛編修

鯤

費西塘給諫

錫章

奉使琉球詩以送

別

許停龍節拜重闈照海青春畫錦輝
一品朝衫千日酒
恩榮殊勝採花歸

平苗一劍陣雲收更泛仙槎上斗牛
文武威風三萬里

關西峙海東流

西塘曾參
陝西戎幕

氣吞滄海量涵春龍虎魁儀被蟒麟
定使島夷驚下拜

天朝人物是天人

邵雙橋副憲以君儀觀甚偉足憫外夷故特薦之

為文秋潭學士題寒林覓句圖

落落吟情赴晚霞
過頭筇影入林斜
已寒天氣禁衣袂
乍瘦山容對髻丫
栖樹萬鴉紛似葉
黏枝一蜨豔如花
記來粉本停雲館
破得詩禪是畫家

題張船山檢討

問陶

詩集

仙才佛性總神通
真氣驚人障礙空
不論千秋先快意
如君直得為詩窮

為西塘前輩題奉使圖冊

羽節遙宣舜陛風
卸帆剛及稻初紅
關心姑米村前問
可似中朝慶屢豐

天橋五綵結雲霞
那霸銀鋪廿里沙
斜倚柁樓吟思豔
東

風開到佛桑花

扈從天津起程

春樹津門轉遙天
淀影來沙頭千帳歇
鏡面一帆開
鰕菜蠡吾道
鶯花燕友臺
離宮翹望處
佳氣接蓬萊

七峯別墅即事

聯騎歸來太液濱
風光閨夏近餘春
時閏五月
穿枝小鳥爭蠻

語入座遙山似晉人
封事常稀哺食早
使車取次別懷新

同人多考試差時有出使者
相攜射圃蒼煙裏
小試飛騰出塞身

同直諸君約為詩會疊前韻

雲龍偶此會瑤濱
忍惜才華負好春
一葉桐陰添韻課
萬

荷花氣繞詩人胸，無院體吟纔適話。集公餘料亦新半，
科頭擁書卷傲他簿領宰官身。

途次雜吟

一騎塞塵飛，風生短後衣。秋山無盡處，日日送斜暉。
夾道萬楊柳，綠陰仰面寒。有時漏星影，幾點落征鞍。
村落豆棚底，寒燈賣餅家。連營問苜蓿，夜半市聲譁。
月露洗裙褶，藤枝格帽檐。鞭絲度寒澗，一箇水螢黏。
壯志據鞍時，塵勞惜爾為。何因消髀肉，一笑事毛錐。

車行五首

地黑奔雷碾輪蹄，迸石火列堠臥老兵。伸腳到車左

橋影落暗空灘聲急於箭寒月對岸生一鏡貼人面
月寒欲噤人路轉暗山腹瞥驚虎豹蹲馬毛俱蜩縮
出峪倦不知寒夢水聲裏覺來岸影逼車行暗溝底
下車月當午夜靜星河高帳前羣馬嘯帳後荒雞號

出古北口

雲黑秦牆戍火殘蠶房谷口冷旌竿宵程塞漠隨鴻度秋
色關門立馬看地過中原山設險天垂北斗月爭寒氈廬
一夜歡聲起列部來瞻

天可汗

塞上八詠和汪文軒比部前輩

彥博韻

塞山

包戎絡夏莽雲連馬首爭開百丈蓮
自擁關河朝五嶽盡迴天地入三邊
雪痕晴逼秋霄冷石氣陰涵大漠圓
憶昔摩崖勒銘處相看更越萬峯巔

塞水

長路風沙洗客顏回頭征思滿谿灣
試看曲曲羊腸水繞徧重重馬耳山
細雨浮梁寒竹樾青林落日碎瑤環
便疑天上黃河影流向人間去不還

塞雲

燒雲天色近黃埃接地秋陰黯不開
夜迴星河微澤見晝

晴雷雨大荒來摩旗影瞥羣龍散裂帛聲高落雁哀千古
征人同極目邊愁重疊李陵臺

塞月

雁背秋高露氣橫瑤清珠斗挂龍城有人看慣雕弓影何
處飛來畫角聲客帳此宵家共遠沙場自古夢難成姮娥
奔後明如嫁一樣青天碧海情

塞草

和煙和霧總微茫迴合平林而遠岡畫出晴沙紙影淡蒸
酣霜葉馬蹄香黃雲一片埋殘燒青冢千秋管夕陽獵路
休隨榛莽削好依箭血認黃腸

塞花

幾番消息近江村
楊柳風吹度玉門
羯鼓夜停蕃部酒
燕支春化美人魂
傳來小字憐無譜
移得相思怕有根
辛苦長安前進士
塞沙印徧馬蹄痕

塞馬

平沙千里接蒲梢
苜蓿抽紅上戰袍
雲錦排空羣牧散
冰霜絕迹萬蹄高
拳毛影動思邊將
汗血功成憶寶刀
列仗無聲蕃帳肅
真龍扶輦下神皋

塞鴻

庭院昏黃淡月籠
關南一陣落遙空
雁臣同路征先到
鹿

柴微霜信早通絕域感生泥
爪外寒燈夢在櫺聲中江湖
此去秋何限好趁蘆花一夜風

塞上四聲詩和姚鏡潭前輩韻

鶴唳

露氣滿秋曉長天入禁林
一聞化人語坐越九皋心寥
泐都應破清商不可尋西風迴相逼兀自送孤音

鹿鳴

共爾遊南塞香萃藉晝眠
忽驚隍夢醒如聽哨聲圓弦靜
林邊騎望吹洞口仙天涯懷友意後日幾賓筵

鷹呼

朔氣凜寒蕪憑高見獵徒風雲一臺迴鴉鵲萬山無落影
繡縑遍穿空髀脰俱草閒斜日動逐響競韓盧

虎嘯

萬木捲腥風連岡震遠空行人蹤忽斷臥石勢俱雄獨騎
思探穴先聲警伏戎大黃纔一發霹靂應雕弓

八月廿一日雪奉次大庾師韻

邊秋曉入凍雲除草樹爭開頃刻花捲陣風迴旗幟亂衝
寒人急帽裙斜銀刀影動看行炙竹屋聲清憶試茶支帳
還疑篷底坐江南蘆雪傍漁家

書所見寄懷閩中諸同學

五尺瓊枝壓衆仙
金貂玉蟒待朝
天書生不具封侯骨
一第成名亦可憐

進古北口次韻

積鐵厓門隱獸環
萬人一笑入重關
到來城市猶深谷
過此峰巒當故山
廢壘雨深燈影淡
大旗風定柝聲閒
道旁迎卒停箕榻
又手逢迎喜客還

初夏車中苦驟熱

沙觜茅堂六月中
開門消受一湖風
醒來識是還家夢
車壁方蒸午日紅

芸臺師到京數日得
旨再任編修奉呈一律

相見恩名業何煩慰一詞中年唐節度蚤日漢經師灑落
餘心迹愛勞在鬢絲雲龍旋契合

聖主本無疑

賦得二月春風似剪刀次韻應 儀親王教

春風一夕度江皋破曉垂楊散綠絲細葉頓教齊出翦神
工渾訝捷揮刀宛隨蘸水魚腸滑便有穿枝燕尾高隋苑
舒眉剛醒夢封姨試手儼親操陣偕少女簫聲轉舞北公
孫劍勢豪碧浸河澹方淬玉黃銷鴨嘴忽吹毛花閒那覺
番番疾欄外偏驚面面遭薊野截雲停客轡蘇隄劃浪引
漁篙裁茵別認依新草製錦還看拂小桃望遠應思金錯

贈記曾灞上攬青袍

和陳厚甫員外

鍾麟

扈從途次詠物四首

短襟袍

偏衫混戎士
袷服競征途
豈是無邊幅
相矜利走趨
鞍橋輕受胯
輜席便加趺
自笑身難稱
方袍故態迂

戰裙

跼注弓衣樣
盤花錦帶垂
居然裏裙衩
翻藉壯鬚眉
燕尾斜分處
狼腰健束時
鞞刀頻手按
落日戰場思

帳房

布幕即幃幰
荒原卓歇同
地剛伴文室
人似隱孤篷
到處

容眠食隨時警雨風漫噬蝸負殼遷舍習從戎

行牀

與地分上下遶夢高枕難于行

音杭

聊息偃假寐易

去聲

更闌

任作蒲帆疊誰懷莞簟安連宵還夢鹿移處近林巒

題攬鏡簪花圖為孫古雲襲伯

均

自照花顏引鏡頻蘭心脈脈寫芳春鬢邊
芬馥眉邊皺身是離騷卷裏人

詠寓舍中綠葡萄

簪碧千珠一架排
浸人秋水滿空階
月明鄰院伊涼曲
大有風光近酒懷

樞直同人公讌方葆巖制軍前輩即席奉贈

照人眉宇太行如蚤識真靈降紫虛
跳盪乾坤孤六尺斟量軍國業三餘
身名立每從裨海家世談疑出異書
燭底秋花環獨座風霜雨露入軒渠

瑤亭行帳與廉觀察敬話別

沙飛驛路捲行旌一曲摩支酒半傾
松漠前朝遺迹徧檀州落日古愁生
牛羊漫散圍天影草樹晴乾作雨聲
明日故人持節去居庸西望若為情

初冬園直無事憶從木蘭旋都道上情景歷歷在目

撮成小詩十首

錄四首

雲嵐寂歷叫驚麋
面面霜楓紫翠新
散獵羽林歸意急
停車晚徑惜無人

方幄穹廬電影過

喀喇河屯為諸藩迎駕之地隨圓後則勅從哨中各歸部落不復令隨扈

至此四山亂葉下寒波
何方迎駕來都護
戢座臨厓看飲駝

荒荒孤店月當門
一枕秋蟲塞上村
起踏晴沙空眼界
近邊衰柳已全髡

亂山跋馬下荒煙
一入秦城隔塞天
遙指長安鴻雁影
度關總在客歸先

大庾師以和文軒侍御四律見示亦作四首次韻

今白華堂詩錄卷六

三

酒材

醉鄉尋味似研經有物都融一性靈曾說包茅香借楚漫
啞明水濁如涇品追賢聖波惟白藥化君臣火共青誰惹
鄰家畢吏部夕陽曬麴爛充庭

詩料

難得化工儲物外易隨夢影落君旁搜尋到處雞壇勝供
奉何人賴繁忙略費翦裁都作錦儘除煙火也充糧蕭齋
長物愚誇詞月露風雲共一囊

琴意

寥寥象外化機萌三疊心傳道已成素壁靜留孤韻在落

花時觸一絃鳴宮商袖裏南風手山水人間太古情消盡
蠶香橫榻夜雲邊寂歷斷鴻聲

棋聲

橘叟無端破靜因手談音響出清新疎簾不隔楚江雨別
墅能留晉代春劫外悟喧還悟寂局中何喜又何瞋夜闌
聽到分明處抵掌兵機大有人

春盡日訪何竹居侍讀前輩金值其開讌因招入席

綠陰遮斷奈何天彩伴當樓渺若仙正是楊花成雪候一
番絲管送流年

挽大庾師

寸心力與古人爭經濟文章肯避名及第早推真宰相蓋
棺猶是老書生黨無牛李憑謠詠世有歐梅服鑑衡細想
如公纔不負天教盡瘁佐 昇平

園直晚歸

積潦平蕪作水田車箱兀坐穩如船聽鐘樓閣初離夢休
沐湖山儘放顛一片秋心殘照樹十分吟興晚涼蟬黃梅
細雨江鄉遠忽憶兒時散學天

雨後

含清風色洗塵寰陣雨初收碧落閒不管雷車走何處亂
雲徑自入西山

秋聲

臥聞金鐵振飛埃攬鬚蕭然曉鏡開
生也有涯從此悟秋之為氣自何來
飄揚一笛桓伊感搖落千林庾信哀
銷盡春情更無藉禁寒心事撥鑪灰

關外微雪有作示余鷺門比部

寒雲壓體欲垂繒帳底抽毫感不勝
當日關門踏新雪南安公骨似廬陵
歐詩有猛憶關門踏新雪之句戊辰出關遇雪戴文端師嘗誦之

夜經河屯書所見

獵火青城夜嚮晨馬頭跼蹐起黃塵
錦袍小袖來何部一笑相逢半故人

題唐六如斷簫餘韻圖

餘花嫋嫋冒風枝廿四橋頭月落時未斷音塵珠絡索難
諧生世玉參差琴心苦負當鑪約笳拍虛傳出塞悲倖煞
邯鄲廝養卒判花詞筆太支離

忘情兒女只英雄威令湘潭振烈風細柳成行欺慘綠名
花墮溷惜春紅髡黔豈敢豔元晦鼙鼓何妨助世忠惹得
才人替惆悵零縑粉墨寫愁工

即事

昇平潛遺

去聲

至尊憂肉食無心預國謀當道豺狼偏躑躅處堂燕雀故

啁啾兵萌紫闕長星夜妖譏黃花大地秋漫作禁中頗牧
想一麾且自戴吾頭

遷延一役捷書聞烈火崑岡玉已焚累卵城中紛士女殃
魚池上慘風雲穢墟天厚蒼生毒奇計人邀白戰勲時方大雪
帳下正酣歌舞伎捧觴還賀大將軍

千里齊州一面當敦煌差幸返陳湯指劉松齋都轉青天原不容

狂賊赤地何堪更戰場從古詩書通將略有入巾幗冒戎
裝同袍合奮熊羆氣畫角風前翠珥揚熊夢庵觀察方荷花翎之賞

孤虛形勢是通津一旅憑誰畫地垠邳北河聲吞野哭蕭

南山色黯營屯漫嗤鄭五曾元宰樞相已被嚴旨斥退而關帥之附新樞密者

猶警及前人
以為口實
試想朱三本小民偷齋盜糧憂更切周防蜚
輓合先春

孽兆中涓溯有明漳川署號並蘆城虞初一種盲詞演般

若三陽劫運成

邪教以真空家鄉無生父母八字為口訣並有青陽紅陽白陽名目與禁中查出

漳川居士蘆城赤隱等書相符書詞甚俚近小說皆明季內監所編造也物到冥頑原可殺民

憂茶炭願無生始知文字多流毒愚鬼新添夜哭聲

乘驄

鐵面威須減芻言采欲勤乘驄使人避何處得風聞

晚坐歸雲精舍與趙謙士通政同作

香初茶半隱囊敲庭外閒雲駐影遲無語看雲雲更淡共

君心在碧山時

題嚴瀨泊舟圖

山鷓鴣啼踟躕開上灘人為讀碑來要商位置東西漢嚴
瀨韓江雨釣臺

題陳雲伯大令

文述

碧城仙館詩鈔

一回矜寵一回憐幕下才名屬少年句贈寶刀聊自壯夢
愁紈扇不同圓宦程今占三分水仙館頻移六柱船賸有
生花舊詞筆閒摹富貴與神仙